

稀見地方史料叢書

中國稀見地方史料集成

學苑出版社

董光和 齊希 編

中國稀見地方史料集成

第三六冊 紹興縣志採訪稿・四

學苑出版社

PDG

佚名纂修 民國間稿本

紹興縣志採訪稿・四

浙江圖書館
PDG

目錄

施孺人節孝詩

潘烈女詩

有序

婁節母傳

辛丑五月

周節母樓太君傳

乙丑五月

為王菱婦宋氏請卹啟

代家藹如姪

補題王廉州霜哺圖卷為節孝沈母陳太恭人作

貞壽史孺人事蹟

紹興縣會稽稽山坊

祁太君事蹟

紹興縣會稽稽山坊

皋部沈氏宗譜列女

山陰林烈婦

山陰唐烈婦墓在西郭門外虹橋西南

舉部沈氏宗譜列女

姜天柱妻葉氏 紹興縣會稽籍

姜得仁妻陳氏 紹興縣會稽籍

姜坦妻金氏 紹興縣會稽東府坊

姜生申吳氏 紹興縣會稽東仰坊

姜之珣妻沈氏 紹興縣會稽山坊

姜公錦妻祝氏 紹興縣會稽東府坊

姜士麟聘妻 紹興縣會稽東仰坊

姜士銘妻倪氏

姜大本妻鍾氏

姜繩祖妻周氏 紹興縣會稽東府坊

姜大來妻金氏 紹興縣會稽東府坊

姜詩豪妻許氏 紹興縣會稽東仰坊

姜鎮妻祁氏 紹興縣山陰籍

姜夢鯉妻何氏 紹興縣會稽山坊

姜啟寧妻周氏 紹興縣會稽東府坊

姜福齡妻陶氏 紹興縣會稽東仰坊

節孝胡母沈太夫人家傳

方節母小傳

節孝朱孺人傳

節母江太宜人傳 媳程太宜人附并跋

姚施氏

孝婦請旌

孝女請旌

欽旌孝女姚母施恭人傳

欽旌孝婦姚母施恭人傳

陸姚氏請旌

沈太宜人傳

李陶氏

施孺人節孝詩

孺人族兄佐玉之繼配姪源之母也

吾家競推節孝賢聽我試歌節孝篇節孝為女為婦及為母奇節
峻嶒垂不朽聞昔當弱齡慷慨大義明授以烈女傳覆誦如翻餅
父曰不凡才誤紹筭與纓惜乎男兒識字尚憂患何況閨中女子
能錚錚迨年二十七來作眉案賓伉儷未三載黃鵠悲陶嬰死願
同死生同生徒以老姑老母諭疊并暫存弱質悲伶仃堂上備甘
旨廚下謀晨炊乳茲遺腹女育此七歲兒為母本非易繼母更難
為異母如一母兒仰慈母慈兒年弱冠貧習賈孝養不忘洗腆時
暇則手一卷好書兼好詩簡力求索動遭旁人嗤母獨問價授以
值典釵鬻珥亦不辭勤勤懇懇訓厥子兒之所好乃若是古人讀

書有真樂顯揚不僅富貴耳一經尚可貽子孫後有興者必於此
梁鱣夙歎子嗣艱茫馨今見石硯傳此生盡是茹檠歲此後始得
含飴年奈何元君素輦迎翩翩丁寧又記臨終言為我告老姑此
心繫姑衣帶間願兒撫一妹夫死不嫁全其天兒善体我意我意
誠釋然速抱我孫來摩首心尤歡二十八年事初畢一笑撒手鯨
黃泉嗚呼節孝之身雖已矣節孝之心長不死門前梅嶺高峩峩
門外寒潭石齒齒山或崩水或竭節孝名無或滅 朝廷記載史
筆鐵萬古千秋說奇節

周鈐作見後邨周氏淵源錄卷七

潘烈女詩有序

潘烈女者小字二姑山陰潘公調之女也生於粵公調歿後依孀母劉年十四許同鄉袁氏子袁子輕狂無行嫌潘貧欲渝盟而不得造作穢語潛榜其門烈女年已二十矣一夕投井死里巷冤之烈女歿於乙酉五月之十有六日南火炙天屍停不壞遠近驚以為神相為釀金庀材即其地立祠焉余為作詩

鴛譜中間錯幾行紅絲偏繫黑衣即將珠投暗真如礫以鴛為媒豈必飭清白一肌原是雪毒炎五月忽飛霜道傍井牒心為惻碧血千年恨未忘

貧家好女淨梳頭月扇難遮一面羞休比潘妃纏辱井爭如魯婦赴清流露筋未報蚊虻毒精衛寧忘渤海仇血散血凝大塊裏三

生因果費追求

周炳曾撰見後村周氏淵源錄卷六

婁節母傳 辛丑五月

節母山陰午峰村口口婁公女年十九縣同縣東浦鎮沈君口口
縣五年而沈君卒艱苦守節母為余外大父芝山路公中表女弟
家母歲時縣外家相見問其貧請歲佳吾家數月節母來則服勤
如傭婦凡縫紉炊爨與夫保抱提攜之役無不親道南兄弟姊妹
等呼之曰小姑婆性峻厲道南等小時有失詈責不少貸過于吾
母而飢寒疾痛顧復周至則與吾母等故道南兄弟姊妹等皆憚
其嚴而惡其慈嘗謂道南曰汝一歲時髮賊陷府城吾與汝母同
避難璜山鄰近如嵯疊等鎮皆有賊巢數日必一肆掠曰打先鋒
或剽物或縱火亦有殺人者一日晨起方飯譚傳打先鋒至矣舟
故備相率登舟余方出門汝母忽憶汝高臥床席余還抱比出則

舟已行離岸尺許余呼舟近岸舟人以賊且至不惟不近且益遠
余計無復抱汝躍以下倒于蓬得不墮水脫一失足倉猝之中誰
救我二人者我至今念及此猶為心戰言已泣道南亦泣節母生
于道光十年七月二十二日以光緒六年十二月二十六日卒于
東浦無子以夫兄之璜道南九歲孫蘭生為嗣今絕矣墓在洪家
受業師塋先父為立碑題曰欽旌節孝東浦沈妻氏之墓距先父墓所不
一里其得旌亦先父為送米訪局也家母置田為節母祭產命道
南兄弟世祀之

胡道南曰道南少時於節母之詈責也心有憾焉曰母持客耳何
為若是又觀他人之來客吾家者則皆不若是心益憾之嗚呼自
官不久任朝至夕更視若傳舍前後謗詬諸務廢弛正坐自居于

客之一念誤之也充節母之所為在其位謀其政時無久暫寔事求是同休戚忘恩怨天下有不治者哉見愧戶文鈔

魚	興	鼎	志	揚	詩	和
---	---	---	---	---	---	---

周節母樓太君傳 乙丑五月

太君姓樓氏山陰人父德範公宿學有聲太君幼稟庭訓勤儉持
礼法年十九隸蕭山郡學生又京周公生二子珣瑗隸九年公卒
時珣三歲瑗甫及晬而姑某孀人猶在堂太君屢慟絕拟身殉念
遺孤在重累姑無以慰死者遂勉自克陽歡釋姑悲事之益謹越
十年姑見背又三年長子珣殤家業愈窘及瑗長娶婦屠生一子
繼娶沈生二子而瑗又喪太君十餘年中涕淚無乾時漸衰耗然
神明故彊未鹽絲絮一躬親之如其初旋為長孫樹棠次孫樹榘
校室同治壬戌粵逆臨紹興與諸孫轉徙避寇樹棠遇賊兵及於
羅樹榘相健病歿太君驚悼成疾遂不起年八十有二先是道光
壬寅邑人以太君守節符例狀其事聞于朝得旨旌門今三孫樹

槐亦歿其存者曾孫家楨樹榘子也補縣學生

胡道南曰余友周君德鴻於太君為族孫行數為余言太君守節事未嘗不歎歎感歎也易之節曰苦節不可貞苦節之貞自古難之當又京公棄世時太君撫遺孤於襁褓中以至成立荼蓼之況殆不堪設想遭家不造二子繼逝流離烽火竟以憂卒太君所處蓋無一非逆境者剝極而復克昌厥後天之報施將於是乎在嗚呼晚矣

見愧廬文鈔